

BOSNIA AND HERZEGOVINA
FEDERATION OF BOSNIA AND HERZEGOVINA
GOVERNMENT

Na osnovu člana 19. stav (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), na prijedlog federalnog ministra zdravstva, Vlada Federacije Bosne i Hercegovine, na 211. sjednici, održanoj 28.02.2020. godine, donosi

ZAKLJUČAK
O USVAJANJU INFORMACIJE O PODUZETIM AKTIVNOSTIMA NADLEŽNIH
FEDERALNIH INSTITUCIJA NAKON POJAVE NOVOG KORONAVIRUSA (COVID-19)
KOJI JE SVJETSKA ZDRAVSTVENA ORGANIZACIJA 30.01.2020. GODINE
PROGLASILA JAVNOZDRAVSTVENIM VANREDNIM STANJEM OD
MEĐUNARODNOG ZNAČAJA

1. Usvaja se Informacija o poduzetim aktivnostima nadležnih federalnih institucija nakon pojave novog koronavirusa (COVID-19) koji je Svjetska zdravstvena organizacija 30.01.2020. godine proglasila javnozdravstvenim vanrednim stanjem od međunarodnog značaja.

2. Federalno ministarstvo zdravstva pripremit će akt obraćanja Vlade Federacije Bosne i Hercegovine prema Vijeću ministara Bosne i Hercegovine kojim će se zatražiti urgencija za odgovor na akt broj: 03-33-151/2020 od 05.02.2020. godine. Federalno ministarstvo zdravstva će novim aktom upoznati Vijeće ministara Bosne i Hercegovine da Vlada Federacije Bosne i Hercegovine redovno prati kretanje epidemiološke situacije, te ukoliko bude postojala potreba u slučaju pogoršanja situacije, a po preporuci Svjetske zdravstvene organizacije, da je spremna predložiti nove mjere, poput ograničavanja kretanja državljana koji dolaze iz NR Kine, Italije, Južne Koreje, Irana i drugih zemalja pogođenih koronavirusom, kao i o potrebi izdavanja preporuke BH državljanima, kao i stranim državljanima koji imaju privremeni ili stalni boravak u BiH, da ne putuju u zemlje u kojima je prisutan novi koronavirus (COVID-19): NR Kina, Italija, Južna Koreja i Iran.

3. Ukoliko dođe do vanredne situacije Vlada Federacije Bosne i Hercegovine će predložiti Vijeću ministara Bosne i Hercegovine smanjenje broja graničnih prijelaza za državljanu koji dolaze iz NR Kine, Italije, Južne Koreje, Irana i drugih zemalja pogođenih koronavirusom.

4. Zadužuje se Federalna uprava civilne zaštite da pripremi Prijedlog odluke o odobravanju raspoređivanja i korištenja namjenskih prihoda sa posebnog transakcijskog računa za sredstva za „Zaštitu i spašavanje od prirodnih i drugih nesreća“, a Federalni štab civilne zaštite da u okviru svoje nadležnosti jača kapacitete federalnih službi za medicinsku pomoć i drugih službi zaštite i spašavanja, kao i federalnih specijaliziranih jedinica iz navedenih sredstava u cilju podizanja nivoa spremnosti i odgovora na eventualnu pojavu koronavirusa (COVID-19).

5. Vlada Federacije Bosne i Hercegovine će u saradnji sa Ministarstvom odbrane/obrane Bosne i Hercegovine iznaći mogućnost osiguranja smještajnih kapaciteta Oružanih snaga Bosne i Hercegovine za smještaj eventualno oboljelih osoba od koronavirusa u izdvojenim objektima kojima raspolažu Oružane snage Bosne i Hercegovine (karantin), ukoliko se za to ukaže potreba.

6. Vlada Federacije Bosne i Hercegovine će, u roku od 10 dana, sazvati zajednički sastanak svih premijera vlada u Federaciji Bosne i Hercegovine, kao i ministara zdravstva i ministara unutrašnjih poslova u Federaciji Bosne i Hercegovine, Federalnog štaba civilne zaštite, Crvenog krsta Federacije Bosne i Hercegovine, radi sagledavanja kompletne situacije na području Federacije Bosne i Hercegovine u vezi novog koronavirusa (COVID-19), te poduzimanja daljih potrebnih mjera radi zaštite stanovništva od i sprečavanja širenja zarazne bolesti izazvane ovim virusom. Poziv za sastanak će biti upućen i Ministarstvu odbrane/obrane Bosne i Hercegovine, Ministarstvu sigurnosti Bosne i Hercegovine i Ministarstvu civilnih poslova Bosne i Hercegovine.

7. Ovaj zaključak stupa na snagu danom donošenja.

V. broj: 372/2020
28.02.2020. godine
Sarajevo

